

Goibekokale

ELGETA / Barikua / 2004eko irailaren 3a / 196. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Baserri turismoko bi etxeak beteta eta taberna gehienak irekita abuztuan

IRATI AGIRREAZALDEGI

Oporrak amaitu dira askorendako, baina izan da abuztuan lanean geratu denik, ostalaritzan jarduten dutenak, besteak beste. Herriko taberna gehienak irekita egon dira eta baita baserri turismoko etxeak ere. Oporrak amaituta, Udala pozik azaldu da zerbitzu horiekin.

Elgeta oso herri turistikoa ez bada ere, udan kanpotik etorri da jendea bertara, eta haiei zein herrian bertan geratu diren herritarrei zerbitzu egokia emateko, azken urteetan ez bezala, Elgetako taberna gehienak zabalik egon dira abuztuan. Irekita egon dira baita ere herrian dauden baserri turismoko bi etxeak.

Tabernak zabalik egotea herriarendako positiboa izan dela esan digute Udaletik. "Kontuan hartuta inguruko herrietan hainbat jatetxe itxi egin dituztela oporrengatik, jendea Elgetara etorri da jatorduak egitera", esan digu Patxi Basauri alkateak.

BASERRI TURISMOA

Baserri turismoko bi etxe daude Elgetan: Barrenengua eta Eguz-



Eguzkitza (argazkian) eta Barrenengua, herrian dauden baserri turismoko bi etxeak beteta egon dira abuztuan.

kitza, eta abuztuan beteta egon dira biak. Hotela egun batzuetan zabaldu badute ere, hilabete gutxian ez da irekita egon.

Barrenenguak sei logela ditu eta hilabete osoan guztiak beteta izan direla jakinarazi digute; gauza bera gertatu da Eguzkitzako lau

logekin ere. Italia, Alemania, Zeelanda Berria, Frantzia, Gales zein Espainiatik bertatik etorri dira, gehienak Kataluniatik.

"Euskal Herriko erdigunean egonik kanpotar askok Elgeta aukeratzen du ostatu hartzeko"

Alkateak zera esan digu: "Gero eta jende gehiagok egiten du ostatuko erreserba Internet bidez. Elgeta Euskal Herriko erdigunean egonik egokitzat jotzen dute eta horregatik aukeratzen dute askok gure herria, gero hemendik mugitzeko. Inguruko txokoak ezagutzeaz gain, Elgeta bera ere bisitatzen dute eta baita bertako tabernetara joan ere".

Datorren urteari begira Udaletik ostalariekin egoteko asmoa azaldu dute. Bestalde, Basaurik esan digunez, "Mankomunitate-tik turismoa indartzeko ahalegina egin nahi da, baina tabernari eta ostalariek horren aldeko jarraera azaldu ezean ezinezkoa da".

Udalaren beste nahietako bat udako giroa alaitzeko ekitaldiren bat edo beste antolatzea ere bada.



Kutxaren plazako bulegoa berriz zabalik

Bost hilabetez itxita egon ostean, joan zen barikuan ireki zuten Kutxaren plazako bulegoa. Berrikuntzak egin dituzte bertan, eta lanek iraun bitartean San Roke kalera joan behar izan dute bezeroek. Barikutik aurrera bulegoa bera ez ezik kutxazain automatikoa ere plazan egongo da, lehengo toki berean. Kutxak eskerrak eman nahi dizkie bezeroei eta baita sortutako eragozpenengatik barkamena eskatu ere./I.A.

LABUR

Eguazten gauero zine emanaldiak eskainiko dituzte Espaloia Kafe Antzokian

Irailaren leian hasi ziren hilabete honetako zineklubeko film emanaldiak *El jurado* pelikularekin, eta datozen eguaztenetarako filmak ere zehaztu dituzte jadanik. Irailaren 8an *Bowling for Columbine* pelikula emango dute, 15ean *Camino a la perdición*, 22an *Boys don't cry* eta 29an *La pelota vasca, la piel contra la piedra*. Eguazteno, beraz, Espaloian dute hitzordua 21:30ean zinezaleek.

Bolatoki taberna itxita, baina kirol instalazioak zabalik hilaren 1a ezkerro

Kiroldegiko tabernaren ardura hartzeko deialdi publikoa egin arren inork ez du izena eman eta jaberik gabe jarraitzen du. Hala ere, irailaren 1a ezkerro kirol instalazioak irekita daude. Pilotalekua egunero 09:00etatik 21:00etara; eta gainontzekoak astelehen, eguazten eta barikuetan 18:00etan zabalduko dituzte eta martitzen eta eguenetan 17:45ean; itxi, berriz, 22:00etan. Zapatuan, 10:00etatik 14:00etara egongo dira zabalik, eta domekan itxita egongo dira.

HEZKUNTZA

Herri eskola egokitzen dihardute ikasturtea hasi aurretik

Ikasturtea hastear da herriko txikieneztat. Baina klaseei modu egokian ekiteko hainbat egokitzapen egiten dihardute eskolan. Haur eskolan azken konponketak egiten ari dira abian jarri aurretik, eta eskolako ganbaran psikomotrizitate gela ipini dute.

Asteon azken konponketak egiten ibili dira arotzak, iturginak eta beste hainbat langile haur eskolara berria izango dena egokitzeko.

Kolore biziz margotu eta umeendako marrazkiz apaindu dute gela. Bertan, erabilera askotariko gune bat, lotarako gela bat, sukaldea eta komuna daude.

Eskolara sartzean erraz jakin ahal izango da haur eskola non

dagoen. Izan ere, sarreran grafiti bat egingo dute.

Irailaren leian izendatu zuten haur eskolarako irakaslea, eta hilaren 6an hasiko da lanean. Bertara joateko izena eman duten hiru haurren gurasoekin bilerak egingo ditu lehenengo eta hilaren erdi aldera normaltasunez ipiniko da abian haur eskola.

TXIRIKIL AISIALDI TALDEA

Bestalde, irailaren leian ipini zuen abian Txirikil taldeak aisialdi eta zaintza zerbitzua.


Hiru umek eman dute izena eta Izaskun Oiangurenekin ibili dira iraileko lehenengo egunetan. Goizez ludotekan elkartu eta gero kalean jolasean ibiliko dira. Arratsalde, berriz, hainbat jolas egingo dituzte eta baita kantatu eta ipuinak kontatu ere.

Irailaren 8tik aurrera zerbitzu horri ludoteka zerbitzua gehituko zaio. Nahi duenak izena eman ahal izango du Kultura etxean eta hilean 30 euro ordainduta arratsaldeko 17:00etatik 19:00etara joan ahal izango dira bertara. Ikasturtean zehar Nagore Oiangurennek hartuko du ludotekaren ardura.

HERRI ESKOLA

Herri eskolan ikasturtea irailaren 8an hasiko dute. Txikienak goizeko 09:00etatik 12:00ak arte egongo dira; Lehen Hezkuntzakoak, berriz, 13:00ak arte.

Eskolan ere ikasturte berria hasterako egin dute berrikuntzarik. Psikomotrizitate gela lekuz aldatu eta ganbaran gela handiago bat egin dute, hura ere kolore biziz margotua.



Haur eskolan azken konponketak egin dituzte aste honetan.

IRTEERAK

Nafarroara bi txango antolatu dituzte

Nafarroara joateko bi irteera antolatu dituzte irailerako. Lehenengoa Gares ingurura egingo dute; bigarren, berriz, Santiago Bidearen Nafarroako zatia ezagutzeko aukera izango dute txango horietan parte hartzen duten elgetarrek.

Nafarroa ezagutu nahi duten elgetarrek bi aukera izango dituzte irailean. Izan ere, bi irteera antolatu dituzte Nafarroako hainbat txoko ikusteko.

Lehenengo irteera irailaren 11n, zapatuan, izango da, eta Iruñetik pasatuta Garesera joango dira. Iruñean hamarretakoa egingo dute, eta oraindik zehazteke badago ere, baliteke upategi bat ikusteko aukera izatea. Bazkaria

Garesen, Ilzarbe jatetxean, izango da, eta bazkalostean, Lizarra bisitatuko dute. Bueltan Gasteizen geldialdia egin, askaria hartu eta etxerako bidea hartuko dute.

SANTIAGO BIDEA

Beste irteera Kutzak antolatu du eta irailaren 22an izango da. Goizean goiz Elgetatik irten eta Leiren hamarretakoa egiteaz gain, bisita gidatua izango da monasterioan. Ondoren, Zangozako Santa Maria eliza erromanikoa bisitatuko dute.

Bazkaria San Gillenen kondairarengatik ezaguna den Obanos herrian egingo dute, eta Eunateko antzinako ospitalea eta eliza ikusi eta gero, Garestik pasatuta bueltan etorriko dira Elgetara.

Interesatuak Kutzako bulegora jo beharko dute irailaren 6tik aurrera.



Txirrindulariak eta zaleak Elgetako gainean elkarrekin

Txirrindularitzaren inguruko 36 lagun elkartu ziren bazkaltzeko abuztuaren 26an, Elgetan, urteroko deiari erantzunez. Elgetako Txirrindulari Elkarteak gonbidatuta txirrindulari ezagunak, entrenatzaileak, kazetariak eta babesleak izan ziren, besteak beste. Silloniz, Gorospe, Lasa, Irizar, Ferraz, San Migel, Leanizbarrutia, Madariaga, Otaño, Gandarias, Galdos eta Perurena zeuden gonbidatuen artean. Hainbat urtean Loroño ere etorri zen Elgetako bazkarira. /I.A.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea
- Podologia



- Solariuma
- Drenaje linfatikoa
- Algekin eginiko estalkia
- Depilazioa laser bidez

Dei ezazu 646 50 00 29 telefonora ordua eskatzeko



PANA DE ROKUA JATETXEAL

- Eguneko menua
- Asteburuetan menu berezia
- Espezialitateak: babarrun-jana eta saihetsa

SALBADOR 10 ELGETA TEL.: 943 76 82 73

JAR EZAZU
HEMEN
ZURE
PUBLIZITATEA

Goibekokale

ALBAITARIAK

ARATZ KLINIKA (Lazpiur Roman) Zurradero 6, behea. 943 76 70 67 / 607 48 71 19
ETXEBERRIA Julio (Granjako animaliak) 943 76 43 29 / 609 54 16 13
ETXEBERRIA Julio (Debagoieneko albaitari ofiziala) 943 76 43 29 / 609 54 16 13
IRASTORZA BENGOA Sabin (Granjako animaliak) Iribar baserria, ANTZUOLA. 943 76 63 46

ANALISI KLINIKOAK

LABORRA Isabel Oxirondo 4, 1-B. 943 76 32 06

BARNE MEDIKUNTZA

IRIGOIEN Victor Oxirondo 4, 1-B. 943 76 32 06

DENTISTAK

AGIRRE HORTZ KLINIKA Ibargarai 9, 1-B. 943 76 00 23
ARAMBURU HORTZ KLINIKA Telesforo Aranzadi 1. 943 76 02 46
AŞTIAZARAN SOLOZABAL Iparragirre 1, behea. 943 76 27 95
BERGARA HORTZ KLINIKA Bidekurutzeta 36, behea. 943 76 05 77
GOROSABEL J. Alberto Fraiskozuri 5A, 1-D. 943 76 56 88
CAVIGLIA Silvana S. Arrieta 3, 2-B. 943 76 38 54
IRIARTE Idoia Artekale 1, 1-C. 943 76 01 65
SAINZ Ana Herriko plaza 4, ANTZUOLA. 943 78 71 69
TRIPALDI Enrike Justo Garate 1. 943 76 70 76

DIETISTAK

ALBERDI Mireia Olaran etxea, Herriko plaza 3, ANTZUOLA
 Ibargarai 44, BERGARA. 943 76 60 45 / 646 43 34 58

ERREHABILITAZIO FISIKOA

LOPEZ DE MUNAIN Francisco J. Fraiskozuri 8, 1A. 943 76 71 74

FISIOTERAPEUTAK

ARZAK Miren (Jarrera-berreziketa orokorra). Artekalea 1, 1-H. 943 76 43 71
BASTERRETxea, Maria Artekalea 1, 1-H. 943 76 43 71

HOMEOPATA

GANUZA Susana Ramon Maria Lili 2. 943 76 59 39

MASAILARIAK

AZPEITIA Iruñe Ibargarai 44, behea. 943 76 73 43
CASANELLAS Jabier Boni Laskurain 5, 2-E. 943 76 03 78
ETXEBERRIA Ana Errekalde 6, behea. ANTZUOLA. 943 76 60 13

MEDIKUNTZA ESTETIKOA

BENITO Isabel Bidekurutzeta 46, behea. 943 76 52 62

MEDIKUNTZA OROKORRA

OXIRONDO KONTSULTATEGIA Boni Laskurain 2, behea. 943 76 20 50

OTORRINOLARINGOLOGOA

IGARTUA ALMANDOZ Julian Barrenkale 35-1 ezkerre. 943 76 70 91 630 653 202

PODOLOGOAK

IKERLEKU PODOLOGIA ZENTROA Ikerleku Zeharbidea z/g. 943 76 07 84
AZPIAZU Arantzazu Herri Lagunak z/g. 943 76 41 32

PSIKIATRA

GALLASTEGI Pablo San Martin Plaza 2, 1-ekz. 943 76 26 64

PSIKOLOGOAK

PSIKOPEDAGOGIA ZENTRUA (Logopedia-foniatría, psikologia, psikomotritzitatea). 943 76 14 80
URKAREGI Pakita (Psikologo klinikoa). 943 76 53 13
ZUBILLAGA ZABALA Marisa (Psikologo klinikoa). 943 76 30 76

YOGA

SAMADHI YOGA Masterreka 13, behea. 943 76 11 38 / 639 235 753

BERGARAKO
OSASUN GIDA
 OSASUNEZ BIZI IZATEKO.